

Sommaire du procès pendant en la Cour,

Entre dame Anthoinette de la Rochefoucault dame de Beauuais Nangis,
Messire Charles Marquis d'Espinay, & Messire Henry Deschomberg Com-
te de Nanteuil, és noms & qualitez qu'ils procedent, demandeurs en cri-
me de faulx, lettres du 25. Iuin, 1574. & 4. Iuin, 1577. & requeste du 23. Aoust
1581. 12. Iuillet 1582. & 10. May 1602. & deffendeurs en requeste ciuile, & autre
requeste du 14. Aueil 1605. d'une part.

Et Messire François de Luxembourg Duc d'Epiney, deffendeur esdites instances de cri-
me de faulx, lettres & requestes, & demandeur en requeste ciuile, & requeste du 14.
Aueil d'autre.



Ly a plusieurs instances entre les parties, dont les vnes concer-
nent le fonds du procez, sçauoir l'instance de faulx, intentee par
feu Messire Anthoine de la Rochefoucault sieur de Chaulmôt,
comme heritier par benefice d'inventair de feuë dame Anthoi-
nette d'Amboise sa mere, les lettres du 25. Iuin 1574. requestes
du 12. Iuillet 1582. & 10. May 1602. les autres concernent l'instru-
ction du procez: comme les lettres du 4. Iuin 1577. à fin de reprise desdites in-
stances & procez, & la requeste du 23. Aoust, à fin d'euocation, les autres con-
cernent les fins de non receuoir, cōme prescriptions, & peremptions d'instances
pretenduës par les requestes ciuile, & du 14. Aueil 1605.

Il les faut traicter separement pour euitier toute confusion, & commencer
par la fin de non receuoir, & pretenduë peremption d'instance, qui neant-
moins est tellement ioincte avec le fonds & principal de la cause, qu'il est
malaisé l'en separer.

Ce procez deppend d'un secōd mariage de feuë dame Anthoinette d'Am-
boise vefue de feu Messire Anthoine de la Rochefoucault, Gouverneur de
l'Isle de France, avec Messire Loys de Luxembourg Comte de Roussy, toutes
maisons signallees, esgales en grandeur, merites & alliances. Et partant ne
s'arresteront les demandeurs à respondre dauantage aux vanitez du discours
de l'Aduocat dudit sieur deffendeur.

Ce mariage, cōme toutes secondes nopces, fut cōtracté *in-felicibus auspiciis*, tāt
pour ladite dame d'Amboise, que pour les enfās, & ce procez le tesmoigne: car
le Côte de Roussy aagé de 25. à 30. ans viuant en toute licēce, que sō aageluy dō-
noir sans aucune retenuë, estoit ^{en l'acte} ~~cōte~~ oberé, debauché, ^{gras} se voyant incommo-
dé en ses moyens (qui estoient fort cours) au^{oient} esté retranchez par la con-
damnation de douze milliures, donnee contre luy, au profit de damoiselle
Marguerite de Feste, l'une des damoiselles de la Roine qu'il auoit seduicte, se
voulant mettre à son aise aux despens de ceste bonne dame, comme ceux qui
frustis & pomis vidās venantur au aras.

Il est iustificié
sous la cote
N. N. en la
productiō sur
la requeste
du 10. May,
1602.

Le cōtract de
mariage est
produit par les
demandeurs
sous la cote
B. en ladite

Elle estoit riche & oppulente en biens, tant de son chef, qu'à cause de ses en-
fants, grands en toutes sortes, luy extrêmement endebté, elle riche de quaran-
te milliures de rente en fonds, & vingt milliures de rente de douaire, & de cent



instâce dudit
10. May, 1602
Et en l'instâ-
ce du 14. A-
uril 1605.
sous la cotte
H. & les in-
uentaires des
meubles en
ladite instâce
du 10. May,
sous la cotte
H.

mil escus en meubles, & des plus belles terres de France : comme les Comté de Sagonne, Baronnies, & Seigneuries de Barbezieux, Linieres, Meillant, Charenton, Vendeure, Maignan, Vigny, Ialigny, Saillan, Comberonde, Ravel, Ennezac, S. Ilpize, les Landes & Cormettes ; Il preueoit beaucoup de difficultez pour y paruenir, les moyenstant inegaux, le credit & auctorité où estoient lors les parens de ladite d'Amboise, & de ses enfans, l'aage aussi, & neantmoins de ce mariage deppendoit son bon-heur & son aduancement ; il feint donc de rechercher l'vne des filles de ladite d'Amboise, pour auoir entree en la maison, & accort qu'il estoit, conduisit si bien sa feinte, qu'ayant endormy ceste Dame par la vanité de ses discours (se faisant appeller Comte de Rouffy, où il n'auoit rien) qu'en fin le 27. Iuin 1543. au desceu des parens de ladite d'Amboise il contracte mariage.

Est à remarquer la façon de ce contract, qui commence par vne tromperie qu'il faiet à sa femme nourrie en grandeur de tous costez, ignorant les affaires du monde, & iugeant l'humeur des autres selon la franchise de son naturel, il luy suppose des Notaires incogneus, qu'il faiet venir d'Erpernay pres S. Martin d'Ablois sa maison, à Vendeure, distant de 25. lieues hors leur ressort (nullité indubitable, entre autres que les contractans & leurs successeurs) à fin de fournir de tels actes qu'il voudroit, comme l'euenement l'a monsté.

Il se iustifie
par memoires
& consulta-
tions signees
Buisson, qui
est aujour-
d'huy conseil
du sieur de
Luxembourg

Les demandeurs ne peuuent temperer leurs discours en ce procez, leur cause requerant qu'ils appellent ^{les choses} leurs fautes par leur nom, que ce qui est tromperie se nomme ainsi, que la fauceté retienne son nom, puis que l'Auocat du deffendeur impudemment a voulu vser de conuices tous esloignez de verité, & impudemment a pris la defence de la cause du deffendeur, apres auoir appris le secret des demandeurs, desquels il auoit tousiours esté Aduocat en ceste cause.

Ils supplient d'ôctref-humblement la Cour ne s'offencer de la verité qu'ils representent, le premier artifice dont vsa ce ieune Seigneur, ce fut de se seruir de gens de son pays, auxquels il commandoit, pour auoir tels actes qu'il iugeoit luy estre necessaires à son dessein, qui estoit de ruiner sa femme & ses enfans, & releuer sa misere de leurs commoditez, en quoy il ne s'est point espargné.

Ce contract, de verité est conceu en beaux termes, & conditions assez esgalles pour ceste bonne Dame, puis que le mal-heur la portoit à ce mariage ; & neantmoins il contient vne tromperie & vn dol, qui donnoit en partie cause au contract : car par iceluy ledit sieur de Luxembourg prend qualité de Comte de Rouffy (on sçait que souuent l'esprit des femmes, principalement qui sont d'illustre maison, & nourries en grâdeur, comme elle, se repaist du vent de telles qualitez, & puis la souuenance de l'honneur qu'elle auoit receu avec le sieur de Barbezieux luy faisoit desirer quelque qualité releuee, pour adoucir l'attaincte qu'elle donnoit à sa reputation, se remariant.

Par ce contract (& voicy le nœud de ceste affaire) à fin de faire paroistre quelque esgalité, ce ieune Seigneur (qui estoit aussi riche en peinture, comme son Aduocat le faiet riche en papier) dict qu'il luy donne en propriété le Comté de Rouffy, & la terre d'Iury, il commence par vn stellionat, il donne le Comté de Rouffy, où il n'auoit rien, & voila sa bonne foy, puis il promet d'apporter

quatre vingts mil escus dans vn an à la communauté. Par ce que sa femme auoit cent mil escus en meubles, & soixante mil liures de rente, & à faute desdits quatre vingts mil escus, luy donne les terres de S. Martin d'Ablois, & la Nonnelle.

Il eust esté à desirer pour le bien de ladite d'Amboise, que ce mariage n'eust point esté consommé, que ledit de Luxembourg n'eust accompli ses promesses, les parties ne seroient maintenant en ce procez: mais quoy, ceste bonne Dame nepouuoit fuir sa ruine, il la sceut si bien charmer qu'elle l'espouse, ce fut lors qu'il leue le masque, il quitte ses beaux mots, & prend de rudes effects, elle sent incontinent qu'elle auoit faict faute: mais il n'estoit plus ^{temps} de se repentir.

La premiere chose qu'on faict, ce contract qui auoit commencé par tromperie, & stellionnat, est suiuiue d'une fausseté insigne qu'on faict, pour penser l'effrayer du tout, ce n'estoit pas sans cause qu'il auoit depaysé sa femme, luy amenât des Notaires de son pays, en voicy l'effect, il vouloit auoir des gés desquels il disposast à sa volonté: il suppose donc vn contract en forme de contrelettre, du mesme iour du contract de mariage, où il faict nommer les mesmes tesmoins, & six mois apres iceluy contract de mariage il contrainct de force ladite Dame de signer vne contrelettre, par laquelle il a pretendu que les dispositions du contract sont entierement renuersees.

Il faict encores pis: car il retient la minute du vray contract par deuers luy, *Nimirum*, pour la changer ou diuertir s'il n'eust esté surpris: mais qu'il eust ozé resister à la volonté de ce ieune Seigneur, qui en aage bouillant & brillant n'eust eu faute de gens, qui eussent bien eu la raison des Notaires qui luy eussent voulu resister.

Il ne se cõtete de cela, son dessein n'estoit borné à si peu: car contre l'honneur public, & la decence de sa qualité, il entre aux ^{colares} du simple & plus vil peuple, il bat sa femme, l'outrage de propos & d'effect, luy donne des coups sur la face, & contumelieusement luy oste ses Damoiselles seruantes, qu'elle auoit amenees avec elle, & luy suggere au lieu des soldats, gens de sac & de corde pendarts, *compunctos notis threiciis*, qui se moquoient d'elle, luy les auctorizans.

Tant que ceste pauvre femme pour achepter quelque repos, est contraincte signer ceste fausse contrelettre, consentir à l'alienation de son bien pour plus de quatre cés cinquante mil liures, outre ses meubles, & s'obliger encores en quinze mil escus de debtes, que ses enfans ont depuis payees, dont il est verifié qu'il mit en banque quatre vingts mil escus prouenans de ses biens.

Et à fin de rendre s'il eust peu son contract de mariage sans effect, & la donation inutile, il vend conuentionnellement la terre d'Iury à Madame la Duchesse de Valentinois, la somme de deux cens vingt cinq mil liures, estimant par là priuer du tout sa femme de toutes choses quelconques, en prend partie des deniers, prend des rentes en payemens sur la ville de Paris, dont le sieur de Luxembourg iouist encores aujourd'huy, & puis faict ~~encores~~ passer ladite terre d'Iury par vn pretendu decret, sans que ladite dame d'Amboise, en la seruitude & miserable estat auquel elle estoit detenuë, se peust opposer & remonstrer son droit.

il est iustificié par l'instance de faux, mesmes par les examens à futur & informations. Et par deux lettres missives produites en la reintegration de sous la cote I. Et en l'enqueste produite en l'instance du 10. May 1602. sous la cote K. K.

il est pleinement iustificié par ladite enqueste produite en ladicte instance du 10. May, 1602. sous la cote K. K.

Les contracts en sont produicts en ladicte instance sous les cotes. Depuis la cote K, iusques à C.C. & depuis encores esdites cotes C. C. iusques aux cotes D. D. G. G. H. H. N. N. Z. Z. P. P. P. & Q. Q. Q. Ledit pretendu decret est produit par ledit de Luxembourg.

Luxembourg, qui se pretendoit spolié.

En ce procez, de verité le sieur de Chaumont puisné de Barbezieux, & qui n'auoit le principal interest en cet affaire, mineur, ieune, bouillant, pour seruir à la cause, dit que le contract de mariage estoit nul, que la contrelettre, qui commenceoit à veoir le iour, estoit fauce, allegue plusieurs nullitez, nonobstant lesquelles apres longues procedures le contract de mariage est confirmé & ordonné en l'an mil cinq cents cinquante huiet, par arrest, que ledit sieur de Luxembourg iouyroit de ladite terre de Vendeure par prouision.

Cette poursuite & les moyens de nullité proposez par le sieur de Chaumont contre ledit contract de mariage sembleroit donner quelque aduantage au defendeur pour se preualoir, à present des mesmes nullitez, & exclurre les demandeurs; mais outre que cet argument *conuertitur*, Et que les demandeurs luy peuuent dire qu'il ne peut pas maintenant impugner, ce que si opiniastrément il a soustenu estre bon & valable & legitime, & dont il a tiré la commodité, *quod semel approbavit, amplius improbare non potest*. La Cour remarquera que celuy qui agissoit estant puisné, estoit presque sans interest, que c'estoit vn mineur ieune, qu'il a perdu la cause, que la Cour plus sage que luy, a déclaré ce contract bon & valable.

Et quand bien l'aisné auroit proposé de telles nullitez, cela ne l'exclurroit pas maintenant en vne autre cause de fonder son action sur ce contract, que la Cour a iugé bon. Vn ancien dit tres-bien à ce propos: *Errat si quis in ijs actionibus, quas in iudicijs habemus auctoritates nostras consignatas habere putet: ea enim orationes temporum sunt & causarum non hominum*. Si le sieur de Chaumont pour paruenir à ses fins en la possession de Vendeure, a voulu arguer ce contract de nullité, ce n'est pas à dire qu'il fust nul, il le disoit, *ut seruiret causæ & tempori*. La Cour a iugé au contraire, & a confirmé ce contract.

A cela se rapporte aussi le contract & partages faictz en l'an 1553. Entre les enfans de ladite d'Amboise, les contredicts signez saint Melloir, & autres declarations faictes, tant par le sieur de Barbezieux, que par le sieur de Chaumont, que le defendeur a remarquez pour penser exclurre les demandeurs de leurs actiōs, ils voyoient lors deux actes qu'on leur representoit contraires l'un à l'autre, sçauoir le contract & la contrelettre. Ils n'auoient encores descouuert la fausseté de ceste contrelettre, ils sçauoient que la contrariété des actes, *scripturæ inter se diuersæ*, rendoient les derniers & moins solempnels, nuls, *fidem abrogabant*, par disposition de droit: c'est pourquoy ils insistoient à ceste nullité, & faisoient tout ce qu'ils pouuoient pour les faire declarer tels.

Mais apres s'estre recogneus qu'ils eurent descouuert ceste fausseté, ils s'inscriuent en faux contre ceste contrelettre, & relaissent les voyes de nullité, negligent l'instance de reintegrande, *melius consulti*, ils se reseruent à poursuiure leurs droicts au principal, lors que la condition du contract seroit arriuee, c'est à dire quand le sieur de Luxembourg seroit decedé, car auparauant ils n'eussent esté receuables.

Et de faict conformément à leur intention la Cour donne son Arrest le 30. Iuillet mil cinq cents cinquante huiet, par lequel sur la reintegrande, les parties

il est iustifié par ledit arrest de l'an 1558. Et encores par autre de l'an 1556. produits par les sieurs de Chaumont & le sieur de Barbezieux, en l'instance de reintegrande de sous la cote A, & en l'instance de 1577. & 1581. sous la cote B. Il se iustifie par les Arrests susdits, & par les contractz produits en ladite instance de 602. sous la cote S S S.

Les contractz sont sous la dite cote, S S S. Il se iustifie par ledit contract de mariage, par le testament du sieur de Rouffix, qu'il ne peut estre decedé qu'en 1571. le testament produit en la requeste civile par les defendeurs en icelle sous la cote T. Ledit arrest en ladite instance de 1577. & 1581. sous la cote B.

sont mises hors de Cour & de procez, *nimirum*: Parce que le feu sieur de Chaumont *dabat manus*, & n'y insistoit plus, & par prouision adiuge la iouissance de Vandeuure à ce mary, sauf le droict des parties au principal.

Ce n'est pas que les nullitez fussent purgees par cet arrest. *Alioquin*, on eust adiugé diffinitiuement, ce qui est seulement par prouision, & la fausseté encores moins, car elle n'estoit pas instruite. Cet arrest donc ne sert de rien audit defendeur. Car comme il recognoist luy-mesme, il n'y auoit encores aucune demâde du principal, aussi n'y en pouuoit-il auoir aucune valable, qu'apres le deceds du mary.

Et neantmoins parce qu'il auoit faict esclorre ceste pretendue contrelettre, deslors ils s'inscriuient en faux, *ut interponerent protestationē contrariā voluntatis*, & tesmoigner qu'ils ne la pouuoient approuuer estant fausse comme elle estoit, en quoy ils faisoient veoir leur intention, d'intenter leur action quand il seroit temps; *Alioquin frustra*. Se fussent-ils inscrits en faux, & est ridicule ce que l'Aduocat du defendeur remarque, que l'inscription en faux estoit seulement pour le faict: de saint Martin d'Ablois, & les quatre vingts mil escus, & non pour le tout: comme si vn acte qui de soy est indiuidu pouuoit estre vray en partie & faux en partie, contre tout sens commun, il faut qu'il soit tout vray ou tout faux, aussi n'y a-il aucune limitation en l'acte d'inscription, qui est contre toute la contrelettre.

Les arrests
sont produits
en l'instance
de 1577. &
1581. sous la
cotte B.

Or le feu sieur de Barbezieux, qui ne pouuoit intenter son action au fonds, qu'apres le deceds de son beau pere, craignant neantmoins que la preuue de la fausseté de ceste contrelettre se deperist, fausseté commise non par sa mere, comme fausement le conseil du defendeur suppose, mais par son mary, *cuius bono*, ~~qu'elle~~ elle estoit bastie, il fournit les moyens de faux, qui sont trouuez si pertinents qu'on ordonne qu'il en sera informé, l'information faicte, decret contre les Notaires, qui comparans ensemble les tesmoins, recognoissent la fausseté, *deprecantur veniam*. Le commandement dudit de Luxembourg, sa violence, la force les ayans contraincts à la faire six mois apres le contract de mariage, & la datter du iour dudit contract.

Il en appert
par les examens
à futur, & informations
qui sont
en instance
de faux.

Et les tesmoins, mesmes Philippes de Poictiers, Jean des Goursfaleur escuyers, & le sieur de Beschefer disent dauantage qu'ils furēt toute la iournee des nopces depuis le cōtract de mariage passé iusques au coucher, en la presēce desdits sieur de Luxembourg & Dame d'Amboise, qu'ils veirent mettre au liēt, & pour ce rapportent de certain, que ledit iour il ne fut passé ny signé autre acte que ce contract de mariage.

Sur ces depositions la Cour prudemment, comme toutes choses, ordonne que les tesmoins seroient ^{recolliez} aux Notaires, *nimirum*, parce que leur confession n'estoit suffisante pour les punir corporellement, comme ils meritoient, *non auditur perire uiolens*, elle se vouloit esclaircir s'ils auoient esté forcez & violencez comme ils disoient, dont les tesmoins ne parloient point, & au regard dudit de Luxembourg, l'alliance si proche qui estoit entre les parties, fut cause que la Cour ne decrette contre luy si promptement pour ne point les aigrir les vns contre les autres.

Cela n'est point uouueau, que la iustice tempere ses decrets pour la consideration des alliances, parentez, & autres qui peuuent mouuoir les iuges. On tient en Droiect, qu'il n'est permis à vn fils, affranchy, ou serf, *Famosa actione experiri* contre son pere, patron, ou Maistre, pour la reuerence qui est deuë à leur qualité, voire plus que s'il se presente deux actions, l'vne ordinaire, l'autre extraordinaire contre telles personnes, ausquelles il est deu respect, il n'est pas permis de prendre l'extraordinaire.

C'est pourquoy le sieur de Chaumont bailla sa requeste pour declarer, que contre son beau pere, il se contentoit de faire declarer ceste contrelettre nullë sans passer à la fauceté, & l'Aduocat Dauid fit pareille declaration en plaidant, comme de verité l'honesteté publique requeroit cela d'eux, encores que leurs declarations ne pussent faire preiudice au droiect des demâdeurs, qui viennent à ceste succession du chef du sieur de Barbezieux leur pere & ayeul, & non du chef du sieur de Chaumont leur oncle, duquelle defendeur est d'accord qu'ils n'empruntoient que le nom.

Tellement que si le sieur de Chaumont: qui a tousiours esté en mauuaise intelligence avec son frere aisné, & perpetuellement en procez, s'il prestoit son nom à son frere aisné pour l'exercice de ses droiects & actions hereditaires, cōme dit ledit defendeur. Il n'a peu faire aucune declaration valable ne se departir du faux au preiudice du droiect de l'aisné, autrement il faut dire que la tromperie, & s'il faut ainsi dire, la perfidie de l'vn preiudicieroit à l'autre, contre toute raison & equité.

Aussi la Cour preiugeant cela, sans s'arrester ny auoir esgard à la requeste du dit Antoine sieur de Chaumont du dernier iuliet 1564. Lors que le 12. Octobre suivant l'Aduocat Dauid fit pareille declaration, qu'il se tenoit à la nullité des actes, sans approfondir le faux contre son beau-pere, ordonna que Dauid se feroit aduouër, ce qui n'a esté, & ne sera, & ainsi la declaration demeure nulle.

Que si la declaration du dit Antoine sieur de Chaumont eust esté suffisante, & que la Cour n'eust iugé quel interest de la cause ne le regardoit principalement, ains son frere aisné. Qu'estoit-il besoin d'ordonner trois mois apres qu'il l'eut faicte, que son Aduocat qui ne la faisoit que repeter, si elle est veritable, se feroit aduouër, estoit-ce pas vn adueu suffisant d'auoir vne declaration du Procureur?

Quoy que ce soit la Cour a tenu les choses en cet estat, ^{au lieu} que ledit de Luxembourg, recognoissant que ses declarations estoient inutiles: luy-mesme le 22. Septembre 1564. demanda l'execution de l'arrest, par lequel il estoit ordonné que les tesmoins seroient recollez & confrōtez, car il faict commettre monsieur de Longueuil, au lieu de monsieur d'Arquiuillier pour proceder à ladite confrontation, & qu'estoit-il besoin d'en venir là, si les accusateurs se fussent departis de leur accusation, comme maintenant il pretend?

Et est fort à remarquer que ceste requeste du 22. Septembre 1564. n'estoit pas presentee par ledit de Luxembourg pour assurance qu'il eust en son innocence, ou que ceste contrelettre fust veritable, ce n'estoit pas cela, mais il sçauoit que *mortui erant, qui quærebant animam pueri*. Que les tesmoins de la deposition desquels dependoit son honneur, & la vie de ses faux Notaires, estoient morts:

il se iustifie par les procez de Preuilly & du Blanc en Berry, qui sont encores indecis entre les demâdeurs & les enfans du sieur de Chaumont. Ledit arrest de 1564. est produit par ledit de Luxembourg en la requeste ciuile, sous la cotte H.

Ladite requeste produite par ledit sieur de Barbezieux esdites instances de 1577. & 1581. sous la cotte H.

Ladite com-
mission sous
la cotte H.

quibus artibus, il le sçauoit mieux que les demandeurs, ainsi se pensant assuré de ceste part il faisoit semblant de poursuire, & de faict il ne presente sa requeste qu'un mois apres que le sieur de Chaumont eut demandé commission pour informer dudit deceds.

Et de vray cet accident de mort des tesmoins fut cause que les declarations de Iuillet & d'Octobre 1564. furent faictes, & quel eslargissement des Notaires fut faict le 24. Ianuier ensuiuant, non pur & simple comme suppose le deffendeur, mais à la charge de se représenter, & en faisant les submissions au Greffe, & c'est l'instance de faux & de nullité qui est encore à iuger.

Car de dire que par l'arrest de l'an 1558. les nullitez ayent esté iugees, c'est errer en faict & en droit, cest arrest ne definit rien, sinon la reintegrande formee par ledit de Luxembourg, sur laquelle les parties sont mises hors de Cour & de procez, le surplus est reserué au principal puis qu'on n'adiuge que la prouision audit sieur du Luxembourg, & il est tres-certain que la prouision ne definit rien, ains laisse toutes choses (principalement en ce faict) en leur entier.

Si ceste instance est perie, & l'action prescrite ou non, comme le demande le deffendeur par sa requeste du 14. Auiril 1605. c'est la questiō, il est ridicule de pretendre vne peremption d'instance en cause criminelle, *crimina non excusantur tempore*, & tant plus vn crime est inueteré & plus il est dangereux, moins il recoit d'excuse.

Ledit sieur
de Rouffy fait
son testament
en l'an 1571.
lequel est pro-
duit en la res-
queste ciuile,
sous la cotte
T. & est ledit
sieur de Luxe-
bourg d'ac-
cord que le
dit de Rouffy
mourut en la
dite année
1571.

La Cour auoit reserué à faire droit au principal, l'action pour le principal ne se pouoit intenter qu'apres le deceds dudit de Luxembourg: car par le contract de mariage le don ne deuoit sortir effect qu'apres son deceds, s'estant reserué l'usufruit des choses par luy donnees, ores qu'il n'y eust plus rien, la peremption donc si elle y eust eu lieu, cessoit pendant ce temps, il decede en l'an 1571. les troubles commencerent le 24. Aoust 1572. le sieur de Chaumont estoit l'un des chefs du party de la Religion pretenduë reformee, & à l'aduenture l'un de ceux auxquels on en vouloit le plus.

On sçait que telles gens n'eurent point leurs actions libres depuis ce temps là, iusques en l'année 1598. tellement qu'encores à present, & à vingt cinq ans d'icy ses heritiers seroient encores à temps d'intenter leur action pour raison de ce: mais les demandeurs qui ne sont ses heritiers, ne s'aydent pas de ce moyen sinon en tant qu'ils empeschent la pretenduë peremption, bien qu'elle n'ait lieu, comme il a esté dit en cause criminelle.

Lesdites let-
tres sont en la
production
audit sieur
de Barbe-
zieux sur les
lettres de
1577. & res-
questes de
1581. & 1582.
sous la cotte
N.

Donc en l'an 1574. le sieur de Barbezieux pere & ayeul des demandeurs comence le procez pour le fonds, il prend lettres du 25. Iuin audit an, pour faire ses demandes, en execution du contract de mariage, le sieur de Luxembourg qui dès le commencement auoit mist toute son esperance aux artifices qui luy estoient suggerez de tromperie & fauceté, ne se contentoit pas d'auoir spolié ces ieunes Seigneurs de toute la succession de leur mere qu'il auoit dissipée & destournee comme il auoit voulu, il taschoit encores d'empieter sur leur bien propre, & pretendait que leur mere, ou ses creanciers auoient touché 9000. liures, des deniers prouenant du decret d'Iury (qui encores, & tout le reste de la vendition estoient à eux) il les auoit faict appeller pour se veoir condamner les rendre.

Ceste

Ceste instance eueilla l'esprit à ces ieunes Seigneurs, pour demander ce qui leur estoit deu en execution des cōventions matrimoniales, & en cela la Cour remarquera s'il luy plaist vn traitt admirable del'artifice dudit de Luxembourg, qui ayant faict en sorte que des creanciers de luy & de sadite femme creez durant le mariage se feroient opposez audit decret de ladite terre d'Iury, & auroiēt touché, & esté mis en ordre de la somme de neuf milliures, sur les deniers de ce pretendu decret, faict pour penser exclure ses heritiers de ce qui leur estoit certain en vertu du contract de mariage, & veut auourd'huy inferer qu'elle s'y deuoit opposer: mais il y a beaucoup d'apparence de dire, que si elle l'eust ozé de son viuant, qu'elle pouuoit aussi bien demander la nullité des criees & distraction de la terre, comme ses creanciers de demander 9000. mil liures sur le prix d'icelle.

Mais pour le regard d'elle si l'on considere l'estat auquel elle estoit tenuë, la violence qui retenoit la liberté de ses actions, on ne iugera iamais qu'elle ait peu se preiudicier, ny ausdits demandeurs en ce decret, ne s'y opposant, par ce que ce qui s'est faict pendant son mariage n'est aucunement considerable.

Non plus que la remarque du deffendeur, que pendant le poursuite du Cōte de Roussy son oncle pour ceste somme, le pere des demandeurs ne proposa sa demande, cela eust esté *intempestiue*, il n'eust pas esté receuable pendant la vie dudit de Luxembourg, le contract de mariage luy fermoit la bouche: mais apres le deceds que l'action fut nee, il la commença le dit iour 25. Iuin 1574. & depuis ce temps là on ne dira pas que l'action soit prescrite, ores qu'il n'y eust aucun priuilege, soit de minorité, soit des Edits de pacification, principalement ayant esté renouvellee par la requeste du 10. May 1602.

Car depuis l'an 1571. que peut commēcer l'action iusques en 1602. il n'y a que 31. an, dont ostant seulement cinq annees des troubles, il n'y a que 25. ans, où il faudroit 30. ans entre majeurs, & sans aucune interruptiō pour prescrire l'actiō. Les demandeurs sont bien en plus forts termes, & soustientent qu'il n'y a pas seulement peremption d'instances veu les poursuites cōtinuees es annees 1574. 1577. 578. 580. 581. & 582. que fut encores presentee la requeste contenant les conclusions des demandeurs au principal, lesquelles apres les troubles ils ont encores reiterees par les requestes du 26. Iuin 1601. & dixiesme May 1602. Et à fin que les preuues faictes dès le commencement es annees 1553. 554. 556. 558. 564. & 572. tant pour la fauceté de la contrelettre, que pour les mauuais, rudes & indignes traictemens faicts par ledit Loys de Luxembourg à ladite d'Amboise, tels qu'ils seroient suffisās pour le rendre, s'il viuoit encores, indigne du don à luy faict par sa femme, leur peussēt seruir, & est grandement à remarquer que ledit de Luxembourg auroit presenté vne contrerequeste, le dernier Iuillet 1582. où il demandoit que deffences fussent faictes audit sieur de Barbezieux & tous autres de faire aucunes demandes, ne prendre nouuelles conclusions iusques à ce qu'il eust esté faict droict sur vne pretenduë perēption qu'il alleguoit des lors, laquelle a esté iugée par ledit arrest del'an 1601. & ne s'est point trouuë d'apparence en ladite allegation de peremption.

Or y a il rien plus iuste que ceste requeste dudit 10. May 1602. la disposition

La captiuité de ladite d'Amboise est pleinement iustifiée par ladite enqueste produite sous la cote K. K. en ladite instance du 10. May 1602.

La requeste du 10. May 1602. qui continue les demandes faictes par les demandeurs, est par eux produite en l'instance d'icelle sous la cote X. X. X. 6. pieces.

Et pour le deceds du sieur de Roussy aduenu en 1571. le sieur de Luxembourg en est d'accord. Ladite requeste du dernier Iuillet 1582. produite esdites instances de 1577. 1581. & 1582. par ledit sieur de Barbezieux sous la cote X.

Les deman-
deurs se sont
aussi inscrits
en faux con-
tre telle signi-
fication d'ar-
rest & ont
employé pour
moyens de
faux ce qui
est escript au
plaidoyé de
maistre An-
ne Robert, pro-
duit en la re-
queste ciuile,
sous la cote
A.

du droit est que les preuues faictes legitiment en vne instance ne perissent iamais, & seruent en toutes autres, mesmes quand c'est entre mesmes parties, dont les dispositions seroient ennuieuses si elles estoient icy rapportees, ainsi vainement le deffendeur s'aheurte à des peremptions puis que les demandeurs ont de nouueau intenté leur action, & qu'ils sont encores à temps de l'intenter, & pour neant s'arreste-il à l'arrest de l'an 588. qu'il a faict prononcer à la sordine, supposant le nom du Procureur des demandeurs, & se l'est faict signifier par vn Huissier nommé Bastō aposté son cōfident, & ennemy particulier des demaudeurs, qui auoient procez contre luy, pour des meubles qu'il leur auroit vollez.

Combien que cet arrest fust, si n'estoit-il considerable iusques à ce qu'il eust esté prononcé, & comme toutes choses vont de la part du deffendeur & de son conseil par surprises, & extraordinairement il suppose pour le faire prononcer le nom du Procureur des demandeurs, comme il est aisé, n'estant le receueur des espices soigneux sinon de recevoir la taxe qui est faicte par celuy qui l'apportera qui se donnera tel nom qu'il voudra, veu mesmes le desordre qui commençoit lors.

La requeste
ciuile est du
14. Ianuier
1603. partant
y a 18. mois de
puis l'arrest
du 7. Iuillet
1601. iusques
à icelle.

Et de faict c'est chose estrange qu'en toute la poursuite qui se fit depuis l'arrest de 1601. iusques à la pretenduë requeste ciuile, qui sont 18. mois entiers, à toutes les forclusions & significatiōs qui furent faictes au Procureur du deffendeur, iamais il ne mit en auant cest arrest que les demandeurs iustement ignorent, les vns pour leur absence & minorité, les autres par ce que lors ils auoient plus de soin de seruir leur Prince au besoin qui se presentoit, qu'à penser en procez.

Mais que sert au defendeur de s'attacher ainsi à des peremptions: veu que l'action est entiere, est-ce pas recognoistre la iustice de la demande qui luy est faicte, & la foiblesse de ses defences, laisser le gros de l'arbre pour se tenir aux feuilles? aussi est-ce son *palladium*, que la peremption, n'ayant point de defences au fonds.

Car le defect d'insinuation dudit contract de mariage ne peut estre imputé à vne femme en puissance de mary, qui ne peut rien sans la licence & puissance du mary, en sorte que ceste puissance durant, le manquement qui se trouuera aux formes ne luy fera aucun preiudice, ny à ses successeurs, ioint que lors la rigueur de l'Edict des insinuations ne se pratiquoit, aussi ne fut-elle introduicte que neuf ou dix ans apres ce contract, *futuris negotiis, non prateritis*.

Or la lecture de ce contract montre qu'elle estoit en puissance de son mary, non separee de biens comme le conseil du defendeur suppose, non autorisee, sinon pour certaines choses, qui concernoient seulement le partage & disposition qu'elle faisoit entre ses enfans, & non les affaires d'entre luy & elle, au contraire la communauté des biens est expressement stipulee entr'eux en l'article des acquests & conquests qui se feront pendant ledit mariage.

Le defendeur adiousté contre ce contract, que par iceluy ladite feuë Dame d'Amboise donnoit & retenoit, & partant que la donation n'estoit valable; & certes les demandeurs ne peuuent assez admirer la hardiesse de l'Aduocat du defendeur, qui apres auoir appris leur secret, *tanquam transfuga transit in aliena*

castra, & malo more pessimo exemplo, le porte au defendeur, ce qu'ils remarquent pour monstrier sa mauuaise façon, qui non content de ceste faute, la plus signalée qui se puisse remarquer en tous ceux de son ordre, s'efforce encores malicieusement & contre le texte du contract, esblouyr les yeux des Iuges, & leur faire croire que le blanc est noir, & au contraire.

Primum enim, Est-il pas certain que le mary a iouy de la chose à luy donnée par sa femme? l'arrest de l'an 558. luy a-il pas adiugé la iouissance par prouision de la terre de Vendeure à luy donnée? & qu'il pouuoit retenir ladite Dame qui n'auoit rien en sa puissance, estoit-ce point ledit de Luxembourg qui donnoit & retenoit, puis que au preiudice de son contract, il dispoisoit des choses données, puis qu'il supposoit les faire vendre pour ses debtes, & neantmoins en prenoit l'argent, & puis qu'il donoit comme stellionataire, ce qui n'estoit point à luy?

Il est vray que ladite Dame apres auoir fait le partage entre ses enfans, & disposé des sommes qu'elles estoit reseruee, adiouste vne clause au cas que ses dispositions demeurassent caducques par la mort de l'un d'eux qu'elle pourroit disposer de sa part à sa volonté, est-ce là donner & retenir, cela n'est-il pas ordinaire à toutes personnes qui ont de l'entendement, & y a-il aucune disposition en droit qui ait trait à l'aduenir où ceste preuoyance soit defendue?

Il est doncques ridicule d'alleguer ce moyen, encores plus d'en remarquer pour preuue la retention de la minutte du contract, si elle a esté retenuë, qui est celui qui l'a retenuë, le mary plein de feu, de violence & d'autorité, ou la femme de soy faicte imbecille & sans volété? & les Notaires à qui eussent-ils confié ceste minutte, à vne femme qu'ils ne cognoissoient & n'auoient oncques veüe, ou à ce ieune seigneur, sous l'autorité & seigneurie duquel ils viuoient? est-ce pas esblouyr les yeux des Iuges de proposer telles charlataneries pour bônes raisons? Et encores se parer du nom saint & sacré des arrests de la Cour pour les couurir?

Reste ceste contrelettre, la forme de laquelle, & ce qui est suiuy monstre, outre ce qui est de la faulceté, & ce qui a esté cy-dessus representé, le desir qu'auoit ce mary de tromper sa femme. En premier lieu il est trop notoire que toutes conuentions qui se font secrettement entre le mary & la femme hors le contract de mariage, sont reprouuees du droit, comme pures pippéries, en quoy comme chose trop certaine les demandeurs n'insisteront dauantage pour n'en nuyser la Cour d'allegations de droit qu'elle sçait mieux, & recit d'Arrests sur ce subiect qu'elle fait tous les iours.

La lecture de ceste contrelettre en monstre la fausseté, car tout son fondement est que le contract de mariage auoit esté fait aduantageux pour contenter les parens & alliez de ladite Dame, en presence desquels il estoit fait. *Atqui* en ce contract il n'y a eu vn seul de ses parens ny alliez, ains seulement deux Gentils hommes, & de verité ledit sieur de Luxembourg fit bien que de prendre ceste pauvre Dame seule, esloignée de ses parens & alliez, qui n'eussent oncques consenty ny permis ce mariage.

Mais encores plus le mauuais dessein de ce mary se monstre, & son auctori-

Ladite prétendue contrelettre est en vn sac à part de laquelle encores on ne re presente qu'une ne prétendue copie signee des Notaires,

Le sieur de

Luxembourg
à pardeners
luy ladite in-
sinuation qui
à esté veüe.

Il en appert
par l'insinua-
tion dont les
demandeurs
ont copie,
qu'ils n'ont
produite
pour ce qu'el-
le n'est signee.

té principale, car en l'an mil cinq cents quarante cinq, deux ans apres la datte de ceste faulse contrelettre, il l'a faict insinuer au greffe d'Esparnay, il se garda bien de permettre l'insinuation du contract de mariage qui estoit veritable, & fait insinuer ce qui estoit faux, & ce qui n'estoit point.

Est à remarquer que c'est Guillaume Lienard l'un des Notaires qui auoit receu le contract qui requiert l'insinuation comme son Procureur, cela monstre quel pouuoir & quel credit il auoit avec ces Notaires, & qu'il ne se faut esbayer s'ils luy baillèrent telle contrelettre qu'il voulut, aussi estoient-ils de son pays, & ne luy falloir pas d'autres gens pour le seruir selō son desir. Voila donc vne nullité euidente de ceste contrelettre suffisante pour la faire reietter, quād d'ailleurs elle ne seroit fauce comme elle est.

Le defendeur mal à propos, ce semble, tire vn argument de nullité de ce contract de mariage, de ce que les enfans de ladite d'Amboise apres son deceds ne suiurent pas la disposition pour leur partage; comme s'ils eussent esté obligez de la suiure, pour ce qui estoit de leur bien paternel, cela est trop puerile pour estre mis en auant en vne si grande lumiere. On sçait assez que *iudicium istud maternum*, ne pouuoit pas donner loy aux biens paternels escheus à ses enfans long temps deuant, il falloit suiure ^{par} eux la disposition des coustumes.

Pendant qu'elle vescu, le respect que luy portoient ses enfans, fit qu'ils ne remuerent ceste question; mais elle ne pouuant donner vne succession dont le droit estoit acquis à ses enfans, autre loy que celle qui estoit ia establie; ioint que depuis ce contract de mariage, Gilbert de la Roche-foucault qui lors estoit fils aîné estant decedé sans enfans, changeoit du tout ceste disposition, ores que la mere, *ei testari voluisset*: ceste substitution de partie de ses biens, esquels elle n'auoit que l'usufruit, *estoit irrevocable*.

Il appert par
l'arrest de la
Cour mesme
du 12. Octo-
bre 1564. pro-
duit par le-
dit de Luxem-
bourg en la
requeste civil
le soubs la cot-
te H. qu'il es-
toit ordonné
que l'aduoca-
t se feroit
aduouer, ce
qui n'a esté,
& continuēt
les deman-
deurs au de-
saduē.

Ledit de
Luxembourg
produit vne
pretendüe co-
pie signee du-
dit arrest en
la requeste ci-
uille soubs la
cotte R.

Que si pendant ce premier procez l'Aduocat du sieur de Chaumont a faict quelques declarations, elles ne peuuent preiudicier au sieur de Barbezieux son frere, s'il a ignorammēt, ou malicieusement pris les termes du cōtract de mariage autrement qu'ils ne sont conceus, les heritiers du sieur de Barbezieux sont-ils obligez de continuer en cet erreur? & cela respondra aux declarations qu'on pretend faictes par la requeste du dernier Iuillet, & par l'Aduocat David qui ne fut oncques aduoué, au contraire a esté desaduoué, & de faict la Cour passa par dessus ces declarations, quand elle n'eslargit les tesmoins qu'en faisant les submissions, & que la Cour auoit ordonné qu'il se feroit aduouer.

Le Conseil du deffendeur est admirable en ses subtilitez, & au discours desquelles il a voulu exercer sa plume, en la pretendue fauceté faicte en l'appoinctement en droit, inuentaie & production sur les requestes du 23. Aoust 1581. & 12. Iuillet 1582. où il se peine fort de dire qu'on a adiousté en l'inuentaie des demandeurs, la qualité des lettres du 4. Iuin 1577. & toutesfois il ne prend pas garde que l'arrest du 12. Avril 1588. donné à sa poursuite, & duquel il se sert principalement, prononce dessus ces lettres & requestes, *mendacium & memorum esse oportet*.

Il ne se peut seruir de cet arrest pour vne partie, & l'arguer de faux pour l'autre, & l'ayant faict dōner comme il a faict, il a deu deslors s'inscrire en faux contre l'in-

tre l'innentaire des demandeurs, s'il y eust esté receuable, que non, car ce n'est pas à luy à limiter la demande des demandeurs, ny dresser leur production, & luy-mesmes auoit escrit sur ceste instance de lettres dudit 4. Iuin 1577.

Et neantmoins c'est sur ceste pretendue fauceté que le demandeur fonde sa requeste ciuille contre l'arrest du 7. Iuillet 1601. par ce, dit-il, que ces instances estoient peries, or on sçait que la peremption d'instance, *facti est*, il la faut proposer: les Iuges ne sont pas tenus de la deui^{ser}, où le demandeur allegue la peremption, ou non, s'il l'a allegué, & que la Cour ait passé par dessus, c'est à dire qu'il n'y en a aucune, c'est vn point de droict qui a esté iugé, contre lequel la requeste ciuille n'est receuable.

S'il ne la point alleguee ayât escrit & produit au fonds, est-ce pas abuser de la patience, & audience de la Cour d'en parler à present, & quand l'instance eust esté perie produisant au fonds, est-ce pas se departir de la peremption, & apres l'arrest voulant ~~repar~~^{ou} reparer la faute par requeste ciuille se feroit vne illusion de iustice.

Et quel preiudice fait au demandeur cet arrest de 601. Quand il ne seroit point, faudroit-il pas tousiours qu'il deffendist à la requeste des demandeurs presentee en l'an 1602. qui cōtient leurs demandes au fonds? *cela est querere latebras*, veu que ceste pretendue perēption est imaginaire, car de dire que depuis l'an 1598. iusques en l'an 601. il y a 14. ans, c'est estre mauuais arithmeticien, & de dire que pēdant ce temps vne instance ait peu perir pēdāt les troubles qui n'ont pris fin que en l'an 598. c'est estre mauuais praticien, mauuais Aduocat, & puis que la requeste du 26. Iuin 1601. estoit vne nouuelle instance contenant les demandes demandeurs au fonds, c'est mal entendre le Palais, de dire qu'en vne instance qui se forme tout de nouueau il faille faire poursuite pour constituer nouueau procureur, cela seroit trop absurde, aussi bien que le changement du Procureur des demandeurs.

Ce qui est de la distribution du procez n'est du fait des demandeurs, ils ont fuiuy ce qu'il a pleu à Monsieur le premier President en ordōner, le deffendeur auoit produit le procez estoit en estat, & ses productions avec celles des demandeurs estans pardeuers Monsieur Pelletier, iceux demandeurs font mesmes plus qu'ils ne doiuent, faisant signifier ladite requeste du 26 Iuin en l'hôtel du Luxembourg où son soliciteur se tient.

Mais sans rechercher tant d'autres moyens contre ceste requeste ciuille, les demandeurs se contenteront de la fin de non receuoir qui est de l'ordannance, elle a deu s'obtenir & estre signifiée dans les six mois, elle ne l'a esté que dixhuit mois apres; l'honneur deu aux choses iugees empesche que le temps del'ordōnance soit prolongé à qui que ce soit, & outre le deffendeur a executé cet arrest car en execution d'iceluy il a demandé delay de reprēdre ou delaisser le procez, & depuis par autre arrest (contre lequel il ne s'est pourueu) à faute de satisfaire, le procez est tenu pour repris, & apres le delay par luy demandé en execution d'arrest, apres vn secōd, voire trois & quatre arrests, mesmes celuy du 12. Auril 1603. de la retention de sa cause en la grand Chambre sur vne pretendue litispendence qu'il auoit alleguee, sera-il receuable en sa requeste ciuille?

*Si cet arrest est de
sur la restitution de la
cause en la grande chambre
il n'est pas sans luy faire*

il est iustificié
cy dessus ledit
arrest du 7.
Juillet 1601.
et la reques-
te ciuile pri-
se contre, estre
du 14. Jan-
uier 1603. qui
sont dix huit
mois apres.

mais si on
regarde bien
les articles
de la cote
de la dame
qui porte

Pour luy donner quelque couleur, il diffame la memoire de son Aduocat, dict que faute d'occupation il faisoit des escritures & inuentaires à futur, en attendant que le reglement se donneroit en la cause, *quo quid ineptius?* Il s'aheurte sur le recepisse de Chattard mal à propos; car quand tout ce qu'il s' imagine de Chattard seroit veritable, que ce Chattard auroit pis faict cét mil fois, puis qu'il a approuué l'arrest demandant delay d'y satisfaire, puis qu'il y a autres arrests donnez en execution d'iceluy, desquels il ne se plaint point, & contre lesquels il ne s'est pourueu ~~pour le moins que dix huit mois apres~~, la requeste ciuile n'est considerable, sinon qu'il vueille establir vn nouveau droit contraire à tout l'ancié, & aux ordonnances pour luy seul.

Ce n'est pas que les demâdeurs manquent de bonnes responses au faict de ce Chattard, qui n'a rien faict que de sage, & bien aduisé sollicitateur d'affaires, qui luy auoient esté commises. Pousslemotte, Aduocat du deffendeur (qui tenoit ses escritures prestes pour les procez à venir) retire de Monsieur Maluault Cōseiller six sacs du procez dont il estoit chargé au Greffe, & luy a baillé son recepissé; les heritiers dudit sieur Maluault sont poursuiuis par Chattard de remettre tout ledit procez au Greffe, ils le font, fors les six sacs qui auoient esté baillez à Pousslemotte, & dont ils auoient son recepissé.

Ceste vefue Pousslemotte poursuiue de les remettre, les sacs se trouuerent chez elle, ils sont par elle deliurez à Chattard sous son recepissé, Chattard les porte aux heritiers du sieur de Maluault & retire le recepissé de Pousslemotte, qu'il lacere. Tout le procez, mesmes les six sacs sont enuoyez au Greffe, & ledit sieur Maluault deschargé du procez, qui a-il en cela à reprendre.

Il est vray que Chattard ne fut soigneux de retirer le recepissé qu'il auoit baillé à la vefue Pousslemotte, sçachant qu'il ne seruoit plus de rien, puis que le recepissé de son mary estoit laceré, & Monsieur Maluault deschargé de tout le procez, & ~~qu'il~~ ^{qu'on} en pouuoit plus rechercher personne, & c'est la faute que sa bōne foy & sa conscience luy a faict faire: mais pour cela, *quid deperit*, au deffendeur, que sert tout cela à sa requeste ciuile, puis que luy mesmes a executé l'arrest contre lequel elle est obtenue, & qu'en executiō d'iceluy il y a autres arrests confirmatifs, contre lesquels ~~quand il se seroit pourueu 18. mois apres~~ ^{il ne s'est pourueu}, cela ne luy peut seruir.

Et en effect si ce qu'il escrit estoit veritable, que ses sacs fussent ainsi confus, pleins de memoires seulement & de pieces communes sans ordre, ses Aduocat & Procureur estoient fort mal habilles de les laisser ainsi, ils y deuoient pourueoir auât l'arrest, & disposer mieux leurs productions, & y mettre de meilleures pieces qu'ils n'auoient, & parauenture eussent-ils gainné leur procez si les deffendeurs n'eussent eu de bonnes responses: mais, *Sero medicina paratur, post vulneratam suo factolitem remedium querere inciuile.*

Il a esté cy dessus respōdu à la pretendue auctorizatiō de ladite dame d'Amboise, que l'auctorité de son mary sur elle, estoit plus puissante que ceste auctorization qui n'estoit que par escrit, & quand bien elle eust esté suffisante, cela s'entendoit pour vser de ses actions contre autres que contre son mary, & de faict il se veoid qu'en l'an 552. lors que le mary & la femme en l'absence l'un de

Lesdites rati-
fications sont
produites cō-
me il est dict
en la reinte-
grande sous
la cote T. et
par les demâ-
deurs en l'in-
stance du 16.
May 1602.
sous la cote

l'autre, ratifierent leur cōtraict de mariage, le mary estant à Paris, & sa femme ailleurs, le mary auctorisé sa femme pour faire ladite acceptation.

Que si l'auctorization contenue au cōtraict de mariage eust esté suffisante, qu'estoit-il besoin en ce fait particulier de nouvelle auctorisation? mais le discours du deffendeur n'est qu'une illusion, vne poussiere qu'il veut ietter aux yeux des Iuges pour les esblouir, & est fort à remarquer que le deffendeur se veut preualloir de ceste auctorisation qui est dans le cōtraict de mariage qu'il dict estre nul, & n'y en a mot en la fauce cōtrelettre, il recognoist donc ce cōtraict de mariage bon & vallable puis qu'il se sert de l'auctorisation y contenue.

Mais elle ne peut auoir lieu cōtre le mary, cōme il est dit, & si ladite dame d'Amboise n'a proposé sa demāde, pour les ~~iiiiij~~ mil escus, pēdāt qu'elle à vescu, ce-la ne luy peut estre imputé (ny a ses enfans) ~~à demeure~~ puis que leur action n'a deu commencer qu'après la mort du mary, & après l'esclaircissement de la fauceté de la contrelettre.

Ce que l'Aduocat du deffendeur philosophe après de deux sortes de possessions, n'est aucunement à propos, ce n'est que pour enfler ses roolles & escritures, les demandeurs confessent à leur grand regret qu'ils n'ont onc possédé naturellement, corporellement, reellement & actuellement les terres donnees à leur ayeulle, mais aussi scauent ils que leur volonté à tousiours esté telle *Animo et ciuilitate*.

Si quelqu'un possède, *sauquam prado*, le bien d'autrui, pour cela le vray Seigneur ne perd son droit, ils ont tesmoigné leur intention *ubi eis licuit experiri*, & vsant de leurs actions ils ont possédé ciuilement, *qui acti onem habet ipsam rem habere videtur*.

Le defendeur adiousté que la personne ou priuilege du sieur de Chaumont de la religion prétendue reformée, ne peut seruir au sieur de Barbezieux, *cui cedebat lucrum harū actionū*, mais il ne dit pas que le sieur de Chaumont estoit garend des actions qu'il cedit à son frere, qui le recōpēsoit d'autres terres non litigieuses, entrant donc en la place du sieur de Chaumont, c'estoit *cum omni causa*, avec son priuilege, voire plus que s'ils eussent tous deux agy, le priuilege de l'un eust conserué le droit de l'autre, comme il est tout notoire en actions hereditaires, *Receptum est inter coheredes suadente aquisate que quicquid cedit cōmodo vniū*, l'autre y participe, & en ce cas l'interposition des personnes est permise, *etiam honestioribus*, comme il est traité par le lieu commun en la l. *Atqui natura. ff. de nego. gest.* & de nier que le sieur de Chaumont fust de la religion prétendue reformée, c'est ~~donc~~ que la neige ~~est noire~~, & qu'il faict nuit au Soleil de Midy.

La defence qu'apporte le defendeur au fonds, luy a esté suggérée par son Aduocat, & la proposée sans l'entendre, il a trop d'honneur pour accuser si laschement la memoire de son oncle, de dire de luy qu'il fust faussaire & stellionataire, que pour paruenir à un mariage, il supposast estre grād seigneur, & n'auoir rien, de prendre de grandes qualitez, & donner à sa femme de l'esperance de grandes terres qui n'estoient à luy.

On dit bien qu'au pour parler du mariage on publie de grands biens, qui souuent ne s'y treuuent pas: mais en ce qui est par escript, & qui tombe en la disposi-

Il est iustificié par ledit cōtraict & cōtrelettre. Ledit cōtraict en l'instance du 14. Avril 1603, sur la cote 3, & la contrelettre en un sac à part en l'instance de faux.

Il est iustificié par les cōtraicts produits sous la cote 335. en ladite instance du 10. May 1602.

tion de l'homme & de la loy, il le faut fournir, autrement ce seroit piper le mōde, ce seroit abuser du saint & sacré nom de foy, & c'est pourquoy on est astringé, *vinculo obligationis, & contractus*, de fournir ce qui est promis, & ceste defence est-ce pas vne publication de dol, & de la fraude dudit sieur de Luxembourg?

Ne veulent les demandeurs respondre aux raisons accumulees par l'Aduocat du defendeur, *De his qui iniure confessi pro indicatis habentur cui concessum sub conditione, si contra acciderit videtur ademptum*: & autres pource que ces raisons estans appuyees sur vn fondement faux, verifié tel au procez, c'est vne responce suffisante, & le defendeur en tout son discours, qui semble plus apparent pour luy, *assumit quod est in questione*, en mauuais Logicien.

Le surplus des defences du defendeur est fondé sur la fausse contrelettre, à laquelle il a esté assez respondu, & ce qu'il insiste sur la donation mutuelle est ridicule, vn contract de mariage ne peut estre donation mutuelle, leurs loix sont bien differentes, l'une est tres-fauorable, & fait part du mariage, l'autre est vne disposition hors ledit mariage, qui souuent n'est gueres volontaire: ce contract de mariage contient la clause, que sans lesdites donations le mariage n'eust esté fait, auquel cas toutes autres considerations cessent, voire quāt on feroit quelque chose, contre les loix & coustumes.

Il est iustificié
du contraire
par le cōtract
qui porte en
propres ter-
mes que le
sieur de Roussy
donne en
propriété pour
en en iouyr
apres son de-
ceds.

C'est vne plaisante Philosophie de l'Aduocat du defendeur, de dire que comme la donation de Vendeure n'estoit que par vsufruit, & à suruiuance, qu'il en faut autant dire des donations faictes par le mary à sa femme, cela est trop lourdement se mocquer des iuges, leur dire qu'ils n'entendent pas le François, le contract porte tout le contraire, *Cum in verbis non est ambiguitas non admittitur voluntatis questio*: En la l. *Ille aut ille. ff. de lega. 3.* s'il y auoit quelque chose de douteux, il le faut interpreter contre le mary, *in cuius potestate fuit legem apertius dicere*.

Le contract porte que l'un donne en propriété, l'autre par vsufruit, *Ita conuentum, ita scriptum, verba inuenta, ut explicent mentem dicentis*: ils sont clairs & intelligibles *frustra*, apporte-il son interpretation qui est vne pure chimere, aussi bien que de vouloir reduire vne donation, à cause de mort, parce qu'il est fait mention du deceds des vns & des autres, chose si absurde qu'elle ne merite aucune responce.

Il ne se fit iamais contract de mariage qu'on ne fist tousiours mention de la mort, parce que le plus souuent toutes conuentions matrimoniales ont leur effect apres la mort, il faudroit donc que tous contracts de mariage fussent donations à cause de mort: s'il a donné la terre de S. Martin d'Ablois au sieur Comte de Bryenne, ce a esté vn acte de sa mauuaise foy. Ce a esté vn secondstellionnat de donner ce qu'il auoit donné à d'autres.

Les contracts
de alienatiō
des meubles
& immeu-
bles de ladite
d'Amboise,
& les acquis

Ce qu'adiouste l'Aduocat du defendeur de l'egalité des choses donnees, & de la forme des donations *sunt egri somnia*, la faueur des mariages, & le priuilege de tels contracts, rejette toutes telles considerations, *contractus ex conuentione legem accipiunt*: Et qui voudra au fonds regarder l'egalité, que le defendeur remet-
te en la possession des demandeurs 450000. liures, que le feu sieur Comte de

Roussy

Rouffy son oncle a touchez des biens de sa fême, ~~vendus~~ 300000. liures pour ses meubles & debtes acquittees, & les interets de cela à raisō du denier vingt, ils se departiront de ceste action, qui est pour mōstrer que l'inegalité vient du peu qu'ils demandent, & qui a esté donné à ladite Dame d'Amboise, au prix de ce qu'on luy a rauy & faict perdre.

de ses debtes
acquittées
par lesdits de-
mandeurs
sont produits
pour lesdits
demandeurs
en ladite in-
stance du 10.
May, 1602.

Sur la fin l'Aduocat du defendeur triōphe quād il dit qu'on n'adiuge iamais de prouision sur vne piece, sinon quand les nullitez de faict & de droict sont iugees, & allegue la l. fin. C. de adiēto diui Adriani tollēdo: aussi à propos que Magnificat à Matines, comme on dit, & ne sçait-il pas qu'expressément en droict il est ordonné que pendant la question du faux les contractss'executē~~ent~~ par prouision. C'est trop s'oublier.

Et peu s'en faut qu'il ne die (tant il est hardy) qu'en l'an 1543. Il estoit permis de faire des faussetez, pour elider les contracts de mariage, quand il dit qu'il estoit permis faire des contrelettres secretes & separees des contracts de mariage, & s'escarmouche de la l. pacta. ff. de contrah. empt. Qui s'entend de pactions vrayes non fausses, legitimes, non extraordinaires, publiques, non secretes, il ne se veit iamais que deux actes separez dont la disposition est contraire, fussent vn mesme, mais qui est-ce qui lisant les escriptures du defendeur, ne iuge que son Aduocat faute de bonnes raisons se prend aux paroles, quand il dit que ledit Côte de Rouffy par les actes de l'an 1551. & 1552. ne ratifie precisement le contract de mariage: mais les lettres sur ce faites est-ce pas *captare verba & literarum tendiculis papare*, & quelles lettres cōtenoient les donatiōs, si ce n'est le cōtract de mariage.

Et qu'elle subtilité est-ce de dire que le Comte de Rouffy n'a ^{ac}cepté la ratification faicte de ce contract de mariage (dont neātmoins il ~~est~~ produit l'acte en la reintegrande sous la cotte Y) ou (puis que le defendeur le veut ainsi) les lettres sur ce faictes, veu que luy-mesme a autorisé la femme pour les ratifier? Quel nom peut-on donner à raisons ou discours si impertinents, & à quel propos dire, *qui confirmat nihil de nouo dat*. Comme si cela estoit reuoqué en doute, on ne prend pas les ratifications pour nouuelles dispositions, ains seulement pour approbations des precedentes, & actes geminez.

Au surplus le ^{ad iustitiam} conseil dudit de Luxembourg a ~~encore~~ voulu ~~definir~~, que ou il se trouuera que des deniers prouenans de la Baronnie d'Iury: ledit sieur de Rouffy en ait acquis aucunes rentes sur l'hostel de ceste ville de Paris durant ledit mariage, qu'il s'en submet au centuple, ^{mais} soit durāt ou apres le dit mariage, ~~il~~ se trouue mesmes en la Chambre des Comtes que ledit de Rouffy a pris des rentes, que la Dame Duchesse de Valentinois auoit sur ledit hostel de Ville, en payement de partie dudit prix de la Baronnie d'Iury, desquelles ledit de Luxembourg iouyt au iourd'huy iniustement.

+ cest carer satisfactor
mote. Car
E n'est finis d'un
dire quel on a achost
on pris on change

Et de dire aussi par ledit de Luxembourg, que ledit de Rouffy ait vendu durant sa vie autant ou plus de ses propres que ladite Dame d'Amboise, mesmes par vn seul contract qu'il en a vendu pour deux cents quarante mil liures, qui est ladite Baronnie d'Iury, c'est ~~recidier du tout aux impostures qu'il a auparauant~~ voulu alleguer, les demandeurs ont produit de bons contracts, par lesquels il appert qu'il a esté vëdu des biens immeubles de ladite Dame d'Amboise pour qua-

il est iustifié
en ladite prou-
duction des
demandeurs
en ladite in-
stance dudit
10. May 1602
il est a leur more
donné a leur more
pour 250000 # de
francs et

tre centscinquante mil ~~liures~~ à vil prix, 30000 liures des meubles & de-
btes acquittées, partant ce sont pures illusions de dire le contraire.

Le contrat est
produit en
ladite instance
sous la cote
P. P. P.

Et outre ledit de Rouffy sçauoit bien, quand il estimoit vendre, que ce n'e-
stait que frauduleusement, & esperoit bien le remplacer d'ailleurs, comme il a
faict esdites rentes sur l'hostel de ville, outre qu'il s'est ioué durant sa vie des de-
niers qu'il auoit de ladite Dame, en quatre-vingts mille escus, qu'il auoit aux
banques de Lyon, tant de partie desdits deniers prouenans de ladite Dame sa
femme, que de ladite Baronnie d'Iury, & de faict il ne sçauoit mōstrer pour dix
mil escus de creanciers de luy & de sa femme, qui se soient presentez au preten-
du decret de la terre d'Iury.

Et de dire aussi que ladite Dame auroit durant leur mariage, vendu sesdites
terres pour dotter ses filles, & pour seulement payer vne rançon de luy de vnze
mil escus. C'est, sauf la correction de la Cour, vn faux faict, car ladite Dame
d'Amboise, n'a eu que deux filles mariees, les autres Religieuses, l'vne la Dame
de la Palisse, au fils du sieur Mareschal de Chabanes, & l'autre au sieur de Busset,
qui auroient eu les terres de Saillan, Comberonde, saint Ilpise, & autres des
plus belles de la Lymaigne d'Auuergne, & les deniers prouenans du mariage de
feuë Dame Françoisse Chabot: fille du feu sieur Admiral de Bryon, mere & ayeu-
le des demandeurs, car pour la Dame Comtesse de Senigan, elle estoit yssue du
premier mariage, & en eut les biens.

Partant esperent les demandeurs en la religion & iustice accoustumee de la
Cour, que sans auoir esgard aux illusions, faussetez & suppositions alleguees
par ledit sieur defendeur ou son Conseil, qui a esté celuy des demandeurs, que
leurs demandes & conclusions leurs seront faictes, & adiugees, telles qu'il est
dit cy-dessus, avec despens, dommages & interets, & restitution de fruiets.

Monsieur Faye, Rapporteur.



